

5 ოქტომბერი მასწავლებლის დღე – გლოცავთ!

ნომრის სტუმარია მე-2 საჯარო სკოლა

პედკოლექტივი ძლიერია? – დირექტორის წარმატებულია



დაკვირვებული მკითხველი უთუოდ შეამჩნევდა ჩვენი გაზეთის სლოგანს: „ქვეყნად არცერთი ბრძანი არ იყო, მასწავლებელი რომ არ ყოფილა“.

ნავლებელი რომ არ ყოფილა: მაგრამ როგორი მასწავლებელი? ამ კითხვის პასუხია ერთი ბრძანების მარადიული ფორმულა: „კადრები წყვეტენ ყველაფერს“ ნაპოლეონი ვერაფერს გახდებოდა, მამაცი მეომრები რომ არ ყოფილიყვნენ. ვერც გენიოსი დირექტორი გახდება რამეს სუსტი პედაგოგების ხელში. და რაოდენ გასახარია, რომ განათლების ახალმა მინისტრმა

მიხეილ ბატიაშვილმა წამყვან პრიორიტეტად პედაგოგთა პროფესიული დაოსტატება, მათი მატერიალურ-მორალური სტიმულირება მიიჩნია. ერთ-ერთ ნელინადში მათ ხელფასი გაუსამაგდებათო. ჩვენც დავამატებდით საქართველოს მასწავლებელთა სურვილს: კარგი იქნება, თუ აღდგება უსამართლოდ გაუქმებული „დამსახურებული და სახალხო მასწავლებლის“ ნოდების მინიჭების ტრადიცია. დედაქალაქის მე-2 საჯარო სკოლაში ყოველთვის მოღ-


ვანობდნენ ძლიერი, მაღალპროფესიონალი პედაგოგები. დღეს სკოლის ადმინისტრაცია, ახალგაზრდა, ერთდღიერი დირექტორი გალაქტიონ (გაგა) მინდიაშვილი, მისი მოადგილე თონა არველაძე ყველაფერს აკეთებენ იმისთვის, რომ მკვეთრად ამაღლდეს მასწავლებელთა პროფესიული დონე. ამ მიმართულებით უკვე თვალსაჩინო შედეგებია მიღწეული. მასწავლებლის დღესთან დაკავშირებით სწორედ ამ თემაზე იქნება საუბარი სკოლიდან გამოგზავნილ წერილში.



გამოცდილებას პლუს პრაქტიკა უდრის პროფესიონალიზმს


სწავლის დაწყების დღეს გამარჯვება მიულოცეთ იმ კურსდამთავრებულებს, რომლებმაც წარმატებით ჩააბარეს საქართველოს წამყვან უნივერსიტეტებში. სკოლამ გამოუშვა 2 ოქროს მედალოსანი მერი ალუდაური და ნინო გეგეჭკორი. მათ მოიპოვეს სახელმწიფო დაფინანსება – 100% გრანტი. მერი ალუდაური – სამედიცინო უნივერსიტეტის, ნინო გეგეჭკორი ილიაუნის სტუდენტი გახდა. სკოლას ჰყავს ახალგაზრდა და ენერგიული დირექტორი გალაქტიონ მინდიაშვილი, რომელმაც არაერთი ნოვაცია განახორციელა ამ სკოლის დირექტორობის პერიოდში. წარმატებებში დიდი წვლილი შეიტანეს დირექტორის მოადგილე თონა არველაძემ, სკოლის ბულალტერმა მარიამ ჩახვაშვილმა და ყველა პედაგოგმა.

განსაკუთრებით თავი გამოიჩინა სპორტის, ხელოვნების და ესთეტიკის კათედრამ. „სასკოლო აქტივობების ხელშეწყობის“ პროგრამის ფარგლებში დაფინანსდა სხვადასხვა პროექტები ხელოვნების მიმართულებით: „მე და ხლოვნება“ და „თეატრი სკოლაში“ – ხელმძღვანელი – ნათია ბურდილაძე, სპორტის მიმართულებით – „მაგიდის ჩოგბურთი“ – გიორგი არჩაია. სკოლა ჩართულია ინკლუზიური განათლების ხელშეწყობის პროგრამაში. წარმატებით მუშაობს 2 სპეცმასწავლებელი ნათია ბურდილაძე და ეკატერინე კობახიძე. დაარსდა სპორტული კლუბი „ლიდერი“ (გიორგი არჩაია). განსაკუთრებული ყურადღება ექცევა არჩევითი საგნების სწავლებას. ზედიზედ სამი წელი ელისო ფიცხელაურის ხელმძღვანელობით სკოლა მონაწილეობს „ჯუნორ ეჩივმენთ“ საქართველოს პროგრამით ორგანიზებულ სხვადასხვა პროექტში. მუხლჩაუხრელი შრომა დაუფასდათ პრაქტიკოს პედაგოგებს. სკოლაში სასიხარულო ინფორმაცია მოვიდა: წამყვანი მასწავლებელი გახდა ნანა მედულაშვილი და თამუნა გელენიძე, უფროსი – 5




თეიმურაზ თევზაძე, რომელმაც ჩაუტარა მოსწავლეებს მასტერ-კლასი. პროექტის ხელმძღვანელია ნათია ბურდილაძე. ახლახან გამართული პროგრამის „ჩემი პირველი კომპიუტერი“ ფარგლებში გაიმართვეს და დაჯილდოვდნენ მეთვალყურეები: სოფიო აბაზაძე, ნინო ყიფიანი, ქრისტინა როინიშვილი და ლუკა მინდიაშვილი. ჩუღურეთის რაიონის გამგეობის მიერ ორგანიზებულ „მაგიდის ჩოგბურთის“ ტურნირში ავიღეთ I ადგილი. გამარჯვებულნი დაჯილდოვდნენ სიგელით, თასით და ფასიანი ვაუჩერით. სკოლის დირექტორი ულოცავს სპორტის მასწავლებელს ირაკლი მენთეშაშვილს ამ წარმატებას. XI კლასელმა მალხაზ ზავრაშვილმა გაიმარჯვა კონფერენციაზე, რომელიც საქართველოს პირველი დემოკრატიული რესპუბლიკის შექმნისა და დამოუკიდებლობის აღდგენის 100 წელს მიეძღვნა. კონფერენცია თბილისის საკრებულოს ჩუღურეთის რაიონის მაჟორიტარი დეპუტატის რიმა ბერაძის ინიციატივით ჩატარდა. კომპეტენტურმა ფიურიმ კიდევ 13 საუკეთესო ნაშრომი გამოავლინა.

მოსწავლეებმა დიდ წარმატებას მიაღწიეს საქართველოს ზოგადსაგანმანათლებლო სკოლების ჩემპიონატ ინტელექტუალურ თამაშში „რა? სად? როდის?“, რომელიც საქართველოს განათლების სამინისტროს მხარდაჭერით ჩატარდა. საქართველოს 18-წლამდელთა საფეხბურთო ნაკრებში გამოიძახეს XII კლასის მოსწავლე ლუკა ჯანაშია, რომელმაც საატესტატო გამოცდები წარმატებით ჩააბარა. სკოლამ მიიღო „ეტალონის“ დასკვნით ნაწილში მონაწილეობა. საუკეთესო ათეულში მოხდა XI კლასის მოსწავლე ანი ზოზირაშვილი. პროექტის ორგანიზატორია ელისო ფიცხელაური.



სასკოლო აქტივობების ხელშეწყობის პროგრამის ფარგლებში სკოლაში დაინიშნა პროექტი „მე და ხელოვნება“, სადაც მონაწილეობენ VII, VIII და IX კლასის მოსწავლეები. სკოლას ჰყავდა მონვეული მხატვარი

„სასკოლო აქტივობების ხელშეწყობის“ პროგრამის ფარგლებში სკოლაში დაინიშნა პროექტი „მე და ხელოვნება“, სადაც მონაწილეობენ VII, VIII და IX კლასის მოსწავლეები. სკოლას ჰყავდა მონვეული მხატვარი



„5 ოქტომბერი მასწავლებლის დღე!“

ნომრის სტუმარია მე-2 საჯარო სკოლა



პირველი გვერდიდან

მეცხრე-მეთერთმეტე კლასელებმა სამოქალაქო განათლების მასწავლებელ ელისო ფიცხელაურთან ერთად, უკრაინის ფორუმსა და ევროპის დღესთან დაკავშირებით, „მოიარეს“ ევროკავშირის ყველა ქვეყანა, უბასუხეს კითხვებს და დაიმსახურეს საჩუქრები.

თვითმმართველობის მიერ ორგანიზებულ პროექტ „ინტელექტის ზეიმის“ ფინალურ ტურში, რომელიც თვითმმართველობის მიერ იყო ორგანიზებული. ფინალში გამარჯვებულ IX კლასს სკოლის დირექტორმა გადასცა გარდამავალი თასი. დირექცია დიდ მადლობას უხდის პროექტის ორგანიზატორებს ნინი ბუილიშვილსა და გიორგი განერელიას.

თვალსაჩინო წარმატებას მიაღწიეს ფრენბურთში ვაჟებს შორის სპორტის პედაგოგ – ირაკლი მენთეშაშვილის აღსაზრდელებმა პროექტში „არჩევანი და ახალგაზრდა ამომრჩეველი“. მონაწილე მოსწავლეებმა, პედაგოგებმა და დირექტორმა, თავი გამოიჩინეს. მოსწავლეებს გადაეცათ სასწავლო კურსის დასრულების

დამადასტურებელი დიპლომები. ორგანიზატორია სამოქალაქო განათლების პედაგოგი ელისო ფიცხელაური.

რბილი სათამაშოების გამოფენაზე, თავი ისახელა დაწყებითი კლასების კათედრამ. გამოფენას ესწრებოდნენ პედაგოგები იზო ამანათიძე, ნათია ბურდილაძე, მოსწავლეები და მათი მშობლები. ჟიურიმ ყველა მონაწილე მოსწავლე სიგელით დააჯილდოვა.

კლუბ „ლიდერის“ ორგანიზებით სკოლაში ჩატარდა VII^ა და VII^ბ კლასებს შორის მინი ფეხბურთის ჩემპიონატი. გამარჯვებული გახდა VII^ა კლასი ანგარიშით 3-2. გამარჯვებულ გუნდს გადაეცა თასი.

კლუბის ხელმძღვანელია გიორგი არჩაია.

მიღწეული შედეგები მართლაც საამაყოა.

თეონა არველაძე, პორის მიხველაძე
პედაგოგიკის დოქტორი



რედაქციის მინაწერი:

მე-2 სკოლელებს ვულოცავთ მასწავლებლის დღეს და ახალ – 2018-2019 სასწავლო წელს მეტ წარმატებას ვუსურვებთ!



ორბზის ბმრობა



დღევანდელ ვითარებაში იყო ბრწყინვალე პედაგოგი – „მწვრთნელი უთვალავ ყრმათა“, თანაც ოჯახის ბურჯი და გამზრდელი შვილთა მრავალთა, ხომ არის ორბზის გმრობა?

მასწავლებლის დღესთან დაკავშირებით თბილისის 107-ე საჯარო სკოლის ახალმა დირექტორმა, მარინე დემეტრაშვილმა საინტერესო მასალა მოგვანოდა. ვაქვეყნებთ მას უცვლელად.


„ჰოი, დედანო, მარად ნებარნო!..“

ტატოს ეს სიტყვები გამახსენდა ქალბატონ ლია აღდგომელაშვილთან შეხვედრისა და საუბრის შემდეგ. იგი შვიდი შვილის დედაა: – ნინო, ნონა, ნათია, ნატო, ნანა, ანა, ია... 107-ე სკოლის კურსდამთავრებული წარმატებით აგრძელებენ ძვირფას ტრადიციებს და დედის კვალზე პოლიტექნიკურ უნივერსიტეტს ამთავრებენ. ია ქიმიის საიდუმლოს ეზიარება. ყოველი მათგანი სასახლო და საამაყო შვილია ჩვენი სამშობლოსი, მათთვის დედა და სამშობლო ღმერთია.

შარშან ქალბატონი ლია საქართველოს პატრიარქმა დალოცა და პროექტში „ოჯახი-მამულისთვის თავდადებულის“ სიგელით დააჯილდოვა.

ლიას მეუღლე ბატონი ნოდარ მამუკაშვილი მშრომელი, გვერდში მდგომი და მზრუნველი კაცია. დიდა მისი წვლილი შვილების აღზრდაში.

ქალბატონი ლია ნაზი და ფაქიზი სულის ადამიანია, წერს ლექსებს, უყვარს ბუნება. ძალიან უყვართ მოსწავლეებს ლია მასწავლებელი და პატივს სცემენ მას. მიუხედავად დატვირთული დღის განრიგისა, ლია ყოველთვის ფორმაშია, თავისი



სიკობტავით გამოიჩინევა.

გავესაუბრეთ 107-ე საჯარო სკოლის დირექტორს ქალბატონ მარინე დემეტრაშვილს, რომელმაც აღნიშნა, რომ ლია მონივნავ პედაგოგია, უფროსი მასწავლებლის ნოდარს ატარებს... მოფუსფუსე, მუდამ მოსწავლეებზე მზრუნველი, სისტემატურად ზრუნავს თვითგანვითარებაზე, სწავლების ხარისხის გაუმჯობესებაზე და მაღალი შედეგების მისაღწევად ენერგიას არ იშურებს.

ვულოცავთ ლიას მასწავლებლის დღეს! აღსანიშნავია ისიც, რომ სულ ახლახან მას სკოლაში მუშაობის 24 წელი შეუსრულდა. წარმატებული და განათლებული თაობები აღეზარდოს ლიას!

ნანა ნაჭყებია,
ქართულის მასწავლებელი

P. S. გაზეთ „სახალხო განათლება“-ის რედაქცია ულოცავს თბილისის 107-ე საჯარო სკოლის ყველა პედაგოგს და ახალ დირექტორს მასწავლებლის დღეს, დიდ წარმატებებს უსურვებს.



ლეილა ვაჩკორია

მასწავლებელი ვისი მეგობარია?

ბავშვების მეგობარია, მათი ავ-კარგის გამგები, მშობლებთან ერთად ის არის ცხოვრების ხიდის გამდები. პატარებს დარდს რომ უქარვებს სიტბოთი სავსე თვალებით, თან ერთნაირად რომ უყვარს ბეჯითიც, ონავარებიც. მომავლის რწმენას უნერგავს ნორჩ გულს იმედით აუვსებს, სირთულეს დააძლევინებს მერე ხელს ფრთხილად გაუშვებს.

ხან ანდაზებით დამოძღვრავს, ხან კი უყვება არაკებს, იგი ცოცხალი წიგნია ბავშვებთან მოლაპარაკე. ამბობს, რომ ბედნიერია ვინც სწორად განვლო სავალი, ათი მცნება რომ დაიცვა აი, რა არის მთავარი. ჩვენი ქვეყანა გიყვარდეს ფიცსა ვდებთ მშობელ მინაზე, სამშობლო ერთადერთია, ბავშვებო, დედამინაზე.

შენ მყავხარ დასაფიქარი

უცხო სიმების კვალდაკვალ სულ მოვიარე შორეთი, ბევრი საამოც ვისმინე მაინც შენამდე მოვედი. ამ უსასრულო სივრცეში თან მდევდი როგორც მისანი, ცაში გაფანტულ ბგერებში უმალ შენ ამოგიცანი. რამდენი სიტყვა ვისმინე სულ ახალი და ცინცხალი, მაინც შენ დამცდი ბაგედან შენ მყავდი დასაფიქარი. დედის ნანადან მომყვები, მეც დედასავით გინამე, დედაო ენავ, არა გყავს ბადალი დედამინაზე!

სულის სწრაფი მკითხველისთვის



„მრავალწერტილი“-ასე ეწოდება გია მოშიაშვილის ახალ პოეტურ კრებულს, რომელიც ქუთაისში გამოიცა და რომლის რედაქტორია ფილოლოგი ია სულაბერიძე. წიგნში თავმოყრილია პოეტის ბოლოდროინდელი ლექსები, რომლის თემატიკა მრავალფეროვანია. კრებულში იხილავთ პატრიოტულ, ფილოსოფიურ, ლირიკულ ლექსებს, ასევე იგავეებსა და მინიატურებს. თითოეული ლექსი და პოეტის გამომქრნილი სტრიქონები ასახავს ავტორის შინაგან სამყაროს, განწყობას; წერს წუთისოფლის ამაოებაზე, ჩვენს ერებს შორის მეგობრობაზე, საქართველოზე და მისი სიყვარულის ამოუცნობ ფენომენზე... პოეტი კითხულობს:



ქართველებისა და ებრაელების მრავალსაუკუნოვანი მეგობრობა მართლაც საამაყო ამ ორი ერის ისტორიაში. სასიხარულოა ის ფაქტი, რომ ქართულ-ებრაული მეგობრობა იუნესკომ, არამატერიალური კულტურული მემკვიდრეობის ძეგლად აღიარა, რაც ძალიან მნიშვნელოვანია. სწორედ, ჩვენი ურთიერთსიყვარულისა და ურთიერთპატივისცემის დამადასტურებელია ის რეალობა, რომ ისრაელში მცხოვრებ ქართველ ებრაელებს მუდმივი და მჭიდრო კონტაქტი აქვთ საქართველოსთან. ერთ-ერთი მათგანია სახელგანთქმული ექიმი და შესანიშნავი პოეტი გია მოშიაშვილი. ბატონი გია დაიბადა და გაიზარდა ქუთაისში, სამედიცინო განათლება კი, რუსეთში მიიღო. მშობლიურ ქალაქში, წლების მანძილზე პაციენტების ჯანმრთელობაზე ზრუნავდა და წარმატებული კარიერაც ჰქონდა. ამჟამად კი, ისრაელში ცხოვრობს და მოღვაწეობს. არის ფსიქოთერაპევტი წმიდა სერაფიმ საროველის სახელობის ონკოპემატოლოგიურ ცენტრში.

„რა არის სული ქართული, ნეტავ ვინ ახსნის ამასა? იქნებ ღრუბელი ფერდობზე, რომ ეფერება ვენახსა, იქნებ ფესვები მიწა-წყლის, შერწყმული ქართულ ენასა, იქნებ მფარველი, რომელსაც ვეძახით ქართლის დედასა, უფალი ყოვლის შემქმნელი გვაერთიანებს ყველასა... რა არის სული ქართული, ნეტავ ვინ ახსნის ამასა?“...

წიგნი „მრავალწერტილი“ თავისი ჟანრობრივი მრავალფეროვნებით, მკითხველთა ყურადღების არეალშიც მოექცევა და პოეზიის სამყაროში თვალსაჩინო ადგილს დაიმკვიდრებს. გია მოშიაშვილის შრემოქმედება გამოირჩევა მხატვრული სიტყვაკაზმულობით, თვითმყოფადი ხელწერით, სადაც აირეკლება სამყაროს მისეული ხედვა, შინაგანი განწყობა, ინტელექტი და ქართული სული. ავტორი ამბობს: „მოგზაურობა გრძელდება... ზუსტად ამიტომ ვაგრძელებ „მრავალწერტილს“ – მრავალწერტილით ასახულს მეორე კრებულში, როგორც

პირველის გაგრძელებისა...“ და აქვე დასძენს „გეპატიყვით ჩემს სუფრაზე და გამომაქვს თქვენს სამსჯავროზე ჩემი ვაზის ნაჟური, მასპინძლობა და თამაძობა! მრავალწერტილი! მოგზაურობა გრძელდება...“
წიგნი „მრავალწერტილი“ გამოირჩევა არამარტო მხატვრული ოსტატობით, არამედ მაღალი პოლიგრაფიული დონით. იგი შესანიშნავი საჩუქარია გემოვნებიანი მკითხველისთვის და პოეზიის მოყვარულთა საზოგადოებისთვის.

მზია გოგოძე

მრავალწერტილი

ამ ცხოვრებაზე რომ დავფიქრდები, ხან მძიმე მხედება და ხან – წერტილი, ხან – უპასუხო კითხვის ნიშნები, ხან – დალოცვილი, ხან – დაწყვეტილი, ხან – სწორი ხაზი და ხან – წყვეტილი, ჩვენი სიცოცხლის მრავალწერტილი...

ოყდაჯამეტი

უფალმა ყველას თავისი მამული, ენა მისცაო, ჩვენ კი გვიბოძა ქართული, ბრწყინვალე ასო-ბგერაო, ოცდაცამეტი მხედარი, ჩოხით მორთული ყველაო, თავისი ქამარ-ხანჯალით, ქილებით სავსე ფენაო, რაოდენობრივ ტოლფასი ნაზარეთელის წელსაო. ვაკურთხეთ, როგორც ანბანი, დავლოცეთ დედა ენაო, ვადიდეთ უფლის ტაძარი, მივიღეთ, როგორც რწმენაო... სარწმუნოებაც ის არის, რაცა გვნამს გულში ჩვენაო, სინამდინდე არის მთავარი, მასშია ყველა მცნებაო...

ზამთრის ვარდი

რა ცივია თებერვალი, მარტსაც მისდევს მისი ვალი,

იალქნების თოვლის ქარი, განტელების კარნავალი. ზღაპარია თებერვალი...

ჩამივარდა გულში დარდი, ეკლად ჩამრჩა ზამთრის ვარდი, შემაყვარა თავის თავი და ყვითელი ღამის თვალი. ოცნებაა თებერვალი...

როგორ მინდა იყოს დარი, რომ მოგართვა ალუბალი და გამიყო ნახევარი, ტუჩზე ტუჩით ნაფერავი. სიზმარია თებერვალი... ხელით მომაქვს ნაკვერცხალი, რომ დაგინთო ცეცხლის ალი, რომ გაგიქრო ჭირხლის კვალი, გავაღვიძო შენში ქალი. ავაყვავო თებერვალი...

რა ყოფილა ზამთრის ვარდი, მიჯნურობის გავხდი ფალი, მომერია გრნობა მალი, – უმანკო და ლალის თვალი. გამაისდა თებერვალი...

ბუხრის თავზე ბროლის ზარი, სირჩის ფსკერზე ალუბალი, საფერავში ღამის თვალი, რჩება კერტებს სუნთქვის კვალი. რა ტკბილია თებერვალი...

როგორ გვათრობს ეს ნაზავი, ადი-ჩადის ცეცხლის ალი და მის რიტმებს აყოლილი, სიყვარულის ანი-ბანი, შემომადნა ხელში ქალი...

კვენის ვნებით თებერვალი...

გაუმარჯოს საქართველოს!

გაუმარჯოს ისრაელსა!

რარიგ ბრძენი გინდა იყო, ვერ შესწვდები ჩანაფიქრსა, სად ნაგიყვანს უფლის გზები და ვის როგორ გამოსცდისა, ვის გაანდობს საიდუმლოს თავის ნების გამოთქმისა, ვინ იქნება არჩევანი ამ ქვეყნის და იმ ქვეყნისა, ვის მოარგებს თავზე გვირგვინს ზეციური წყალობისა...

ზვიად კაცსა წილად ერგოს ფარი მეფე დავითისა, ხელში აღმართული ხმალი იყო მცველი სამართლისა, გოლიათი, მტრად მოსული, წირვა ხდება ერთი ქვისა, ღირსება და სიდიადე არის მრწამსი ვაჟკაცისა, ქალის თეთრი მანდილია სინამდინდის და მშვიდობისა...

ისტორიას ახსოვს ბევრი თავგანწირვა გმირებისა, რომელ ერთი გაეხსენო, მოსადის თუ კრწანისისა, იერუსალიმის დაცემა თუ ალექსანდრიისა, სპად მომდგარი დამპყრობელის თუ ვაება თარეშისა, დედის თვალი ნისლიანი, თუ დარბევა ტაძრებისა?

ვინ შესწვდება, ვინ შეიცნობს უფლის მიერ ჩანაფიქრსა, რა ბოლიკით ვის ნაიყვანს და ვის როგორ გამოსცდისა, დიდი გზა გვაქვს გამოვლილი დროს და სივრცის მანძილისა, ერთგულება მუდამ იყო ფასი სიკვდილ-სიცოცხლისა, ერთი აკვნის შვილები ვართ და სინამდინდის დედის რძისა...

თავის ჭკუით კაცი ბჭობს და ღმერთი ამ დროს იცინისა, ვინ იქნება არჩევანი ამ ქვეყნის და იმ ქვეყნისა, ვინც მახვილით შემოიჭრა, გახდა მსხვერპლი მახვილისა, მოგონებად იქცა ყველა, ბრედ წარსულის, არქივისა, სიყვარულის ხიდებს აგებს, ანგრევს კედლებს ბნელეთისა...

ყოვლად წმინდა ზეციერი მფარველია ჩვენი გზისა, მან ეს გრძნობა ჩაგვიწერა, როგორც ძალა ერთობისა, დაგილოცავთ გვარს და ჯილაგს, წინაპართა ფუძე-ძირსა, ვინც გადმოგვცა ეს მანდილი, როგორც მცნება ღირსებისა, გაუმარჯოს საქართველოს! გაუმარჯოს ისრაელსა!

ერთად – დიდი მიზნის მიხედვით



ვგონებ, სტანისლავსკიმ თქვა, თეატრი საგარდერობოდან იწყებაო.

სკოლა საიდანა იწყება? მასწავლებლიდან და ისევე მასწავლებლითვე მთავრდება. არა აქვს მნიშვნელობა, დირექტორია თუ – მოადგილე. ისინიც, უპირველესად, პედაგოგები არიან და სადაც შეგნებული აქვთ, რომ მასწავლებლობა ყველაზე დიდი თანამდებობა,



თბილისის 103-ე საჯარო სკოლის 62-ვე პედაგოგს სრულადა აქვს შეგრძნობილი თავისი მისია და მათი მუშაობა მიზანმიმართულად, გეგმაზომიერად წარიმართოს საერთო მიზნის მისაღწევად სათანადო ხელმძღვანელობა ხორციელდება.

განათლების სისტემაში ძნელად მოიძებნება ისეთი გამოცდილი სპეციალისტი 103-ე საჯარო სკოლის დირექტორი



ბოგადებულა. საამისოდ დანიის უმაღლესი საფეხურის ექსპერტ-მასწავლებლებიც სწვევიან და იგი ეროვნული გამოცდების ცენტრიცაა. ისან-სამგორის რაიონის 160 წარჩინებული მოსწავლის დასაჯილდოებლადაც – ჩემი პირველი კომპიუტერი – სწორედ ეს სკოლა შეიქმნა.

კარგად დავინწყებელი ძველიაო. საბჭოთა პერიოდში წარჩინებული მოსწავლეების მშობლებს სკოლები სამსახურებში უგზავნიდნენ სამადლობელ წერილებს. 103-ე სკოლამ ეს დიდებული წესი, ფაქტობრივად, თავიდან დაწერა. მოწინავე ყმანვილების მშობლებს საზეიმო



სულიერი მდგომარეობა, როცა მრწამსი, შინაგანი ძალისხმევა გიხმობს დიდი მისიის – სამშობლოსათვის მცოდნე, ზნეობრივ-მორალურად მდგრადი თაობების აღზრდისაკენ, იქ ეს მისია სრულდება კიდევ.

არჩილ ჩხაიძე რომ გახლავთ, ამაში მხოლოდ პედაგოგობის სტაჟი – 40 წელი როდი იგულისხმება. უპირველესად, მისი შინაგანი მრწამსი, ცხოვრებისეული კრედიტ, სიახლეების მუდმივი ძიება,



სკოლაში ორი სექტორია: ქართული და სომხური. ქართველებსაც და სომხურებსაც, (ცხადია, თუ მუშაობენ) ატყობინებენ. ღირს კი თქმა, ეს რაოდენ საამაყო მშობლებისათვის და სტიმული მოსწავლეებისთვის?

პედაგოგთა პასუხისმგებლობის თვალსაჩინო მაგალითი: ყოველი სასწავლო წლის ბოლოს ყოველდღე გამორჩეულ ყმანვილს წლის **საუკეთესო მოსწავლის** ნოდება ენიჭება.

მიმართული: **მოსწავლე – უპირველეს ყოვლისა!**

კადრები ერთმანეთს ცვლის: სკოლის ინტერიერი და ექსტერიერი, ზღაპრულად მორთულ-მოვლილი ეზო (ამიტომაც გაიმარჯვა 103-ე სკოლამ ეზო-გარემოს მოვლის რესპუბლიკურ კონკურსში); თანამედროვე მოთხოვნათა დონეზე გამართული კლას-კაბინეტები და ლაბორატორიები, ფართო, ნათელი დერეფნები, სპორტული და საექცო დარბაზები, ჰიგიენური გარემო.

გასულ სასწავლო წელს კი ტიტული არავისთვის მიუნიჭებიათ, რაც ადასტურებს, რაოდენ თვითკრიტიკულია კოლექტივი თავის საქმიანობის მიმართ. შარშანწინ კი ეს ნოდება **მარიამ ნაცვლიშვილს** მიენიჭა და სიგელი რაიონის დეპუტატმა **დავით ჭიჭინაძემ** გადასცა.

სკოლამ ეს სიახლეც დანერგა: ეს ვიდეო ფეისბუქზე დადო შემთხვევით, **„ვისწავლიდი თუ არა 103-ე სკოლაში?“**

13 ათასმა ნახა ეს ვიდეო. 200-ზე მეტი ალტაცებული გამომხატურება და კომენტარები „მოიძვეს...“

მოსწავლეთა ჰარმონიულად აღსაზრდელად 13 სექცია და წრე მუშაობს, სადაც 400 აღსაზრდელია გაერთიანებული. სამოქალაქო განათლების კლუბმა **„ჩეინჯერებმა“** საქველმოქმედო აქციაც გამართა და თანხა მთლიანად მიუსაფართა სახლს ჩაურთცხა.

წლეულს სკოლის 4 პირველი კლასი – 108 მოსწავლე შეემატა (მსურველი გაცილებით მეტი იყო). ამ პატარებსაც სკოლის ცხოვრების ძალზე საინტერესო, სიახლეებით აღსავსე წლები ელით. ამის მტკიცე გარანტი 103-ე სკოლის მთელი კოლექტივის თავდაუზოგავი შრომაა, რის მიცერ, მაგრამ წყალგაფუვალ ფაქტებზე ამ წერილმა მოგიხიბროთ.

მოსწავლეთა ჰარმონიულად აღსაზრდელად 13 სექცია და წრე მუშაობს, სადაც 400 აღსაზრდელია გაერთიანებული. სამოქალაქო განათლების კლუბმა **„ჩეინჯერებმა“** საქველმოქმედო აქციაც გამართა და თანხა მთლიანად მიუსაფართა სახლს ჩაურთცხა.

მოქმედებს **„ლიტერატურული სალონი“**. ერთ-ერთი ღონისძიება – **„მე მოგიყვებით აფხაზეთზე“** – ლიტერატურული თეატრის სცენაზე გაიმართა და მაყურებელთა მხურვალე მონიება დაიმსახურა.

103-ე სკოლებს **ვულოცავთ მასწავლებლის დღეს და ფუსურვებით კვლავაც ასეთი შემართებით ევლოთ მომავალი თაობის აღზრდის რთულ, სათუთ და ესოდენ საპატიო გზაზე!**

სკოლის წარმატებების, ყოველწლიური წინსვლის უტყუარი დასტური! ბოლო სამ წელიწადში მოსწავლეთა რიცხვი 534-დან – 900-მდე გაიზარდა. გაისად, სავარაუდოდ, 2 ცვლაში



პასუხისმგებლობის ძირეულად გასიგრძელებს და კოლეგიალობა, ბავშვების დიდი სიყვარული იგულისხმება. 1978 წლიდან მოყოლებული, როცა ბათუმის პედაგოგიკის ინსტიტუტი დაამთავრა მათემატიკის სპეციალობით და ფიზიკის მასწავლებლად დაინყო მუშაობა ოზურგეთის რაიონის სოფელ მთისძირის სკოლაში, ყველა საფეხური გაიარა. 1982 წელს უკვე ჯუმათის საშუალო სკოლის დირექტორია. მაშინ ასე ახალგაზრდებს სკოლებს არ ანდობდნენ. რაოდენ გამორჩეული უნდა ყოფილიყო ბატონი არჩილი, რომ ასე სწრაფად ასეთ პასუხსაგებ თანამდებობაზე დაენიშნათ? მას შემდეგ მრავალი სკოლის დირექტორად უმუშავია და მისი ხელმძღვანელობით ყოველი სკოლა მუდამ მოწინავე იყო.

თულზე – სომეხი, რუსი, ეზიდი, აზერბაიჯანელი, ქურთი, უკრაინელი ყმანვილებიც სწავლობენ; სომხურზე – ებრაელი და ქურთებიც. სომხეთის ელჩმა **რუბენ საღიანამ** პედაგოგ **ლუიზა მურადიანს** ჯილდო – „მშობლიური ენის ელჩი“ გადასცა. სკოლას სტუმრობდა სომხეთის კანათლებისა და სპორტის მინისტრი **არაიკ არუთინიანი**.

შარშან შემოიღეს, წლეულს კი გააფართოებენ სიახლეს: ყოველი სასწავლო წლის ბოლოს კლასების დამრიგებლები წარსდგებიან ანგარიშით სკოლის, მშობლების წინაშე. გასულ სასწავლო წელს I-II კლასების ხელმძღვანელები წარსდგნენ ასეთი ანგარიშებით. შემაჯამებულ ანგარიშს კი დირექტორი წარადგენს. სკოლაში კოლეგიალობის, ურთიერთპატივისცემისა და ურთიერთდახმარების გარემოა. ასეთი ანგარიშები კი კიდევ უფრო ამაღლებს პედაგოგთა პასუხისმგებლობას.



მოწინავეა 103-ე საჯარო სკოლაც. ცხადია, ამ სასწავლო დაწესებულების თვალსაჩინო წარმატებებში ყოველი პედაგოგის, თითოეული მუშაკის ღვაწლია. სკოლის გამოცდილება პრესასა და ტელევიზიაში გან-

კარგად და უკეთესად

ბასიბრძანებული აქვთ დიდი მისია



პირველი შთაბეჭდილება თუ მართლა უტყუარია, მაშინ თბილისის მე-60 სკოლის დირექტორთან ბატონ შოთა მალაზონიასთან შეხვედრის შემდეგ ერთადერთი მართებული დასკვნა ესაა – **ადამიანი თავის ადგილზე.**

მან 1983 წელს წითელი დიპლომით დაამთავრა დედაუნივერსიტეტის ისტორიის ფაკულტეტის საღამოს განყოფილება. მუყაით სწავლას შრომას უთავსებდა – საავიაციო ქარხანაში მუშაობდა ჯერ – მუშად, შემდეგ – ცვლის უფროსად. თან, აღმზრდელიც გახლდათ ახალგაზრდათა საერთო საცხოვრებელში. დახეტ, ერთდროულად რამდენ საქმეს, თან როგორი წარმატებით იყო შეჭიდებული ყმანვილი კაცი.

უმალესის დამთავრებისთანავე დაიწყო მუშაობა 124-ე საშუალო სკოლაში ისტორიის მასწავლებლად. შემდეგ – 61-ე სკოლა, 1988 წელს კი, ჯერ კიდევ სრულიად ახალგაზ-



რდა სპეციალისტი, 62-ე სკოლის დირექტორის მოადგილედ დაინიშნა. 16 წელი დაჰყო აქ. პირველი ექვსი წელიწადი – მოადგილედ, მომდევნო ათი – დირექტორად. ამას 147-ე სკოლის დირექტორობა მოჰყვა, ხოლო 2014 წლიდან (აირჩიეს) მე-60 სკოლის დირექტორია. დიას, დირექტორია, მაგრამ, უპირველესად, პედაგოგია. პედაგოგია მრწამსით, მთელი შინაგანი არსით. სკოლის ყველა საფეხურის გამგეობა სპეციალისტმა ძირისძირობამდე იცის სკოლა, სასწავლო-აღმზრდელი პროცესს ნიუანსურად ფლობს, რაც ასე აუცილებელია ხელმძღვანელისთვის. იგი ძალზე აფასებს მოადგილეების: ქალბატონების – **ნინო ლომთათიძის** და **ნანა ჩოხელი**ს ნიჭს, ცოდნას, გამოცდილებასა და ორგანიზატორულ უნარს.

დირექცია არა „კაპიტნის ხიდურიდან“ ხელმძღვანელობს სკოლას: კოლეგიალობა, ურთიერთპატივისცემა, დახმარება; აქტიუალურ საკითხებზე ერთობლივად მსჯელობა, პრობლემის გადაჭრის გზებისა და საშუალებების ასევე ერთობლივად ძებნა და გამოხატვა...

გამართულად, მიზანმიმართულად მუშაობს შვიდივე საგნობრივი კათედრა: ქართული ენისა და ლიტერატურის (თავმჯდომარე – **თამარ ყაჭვიშვილი**); მათემატიკისა და ისტორიის (**მანანა**



ქარდავა); უცხო ენების (**ირმა ყიფიანი**); საბუნებისმეტყველო მეცნიერებების (**ქეთევან ლომაძე**); საზოგადოებრივი მეცნიერების (**ქეთევან კერესელიძე**); ესთეტიკისა და სპორტის (**თამარ მაისურაძე**); დანყებითი კლასების (**ხათუნა ნამალაშვილი**).

გამოსაშვები გამოცდები წარმატებით ჩააბარა 61-მა მოსწავლემ. ყველა სტუდენტი გახდა. სკოლა აქტიურად და წარმატებით მონაწილეობდა განათლების სამინისტროსა და სხვა ორგანიზაცია-უნყეების კონკურსებსა და პროექტებში. „თავისუფალ გაკვეთილებში“ ოთხი პროექტი წარადგინა და საკონკურსო კომისიამ ოთხივე პროექტი დააფინანსა. ასევე წარმატებული იყო სკოლა „მეცნიერებისა და ინოვაციების“ ფესტივალში. გაიმარჯვა ჯანსაღი ცხოვრების პოპულარობის პროექტში. მას სპორტის პედაგოგი **დიანა მანგოშვილი** ხელმძღვანელობდა და პროექტი ძველქართულ თამაშებს ითვალისწინებდა. ეროვნული ბიბლიოთეკის ეგიდით გამართულ სკოლების თეატრების კონკურსში სკოლის თოჯინების თეატრმა, ბავშვების მიერ დამზადებული თოჯინებით (ინკლუზიური ბავშვების მიერ დამზადებულითაც), სპეციალური პრიზი მოიპოვა ხელოვნების მასწავლებლის **ეთერ ქუთათელაძის** ხელმძღ-

ვანელობით, ხოლო მასწავლებლებზე დანერგული მოთხრობების კონკურსში, მისი მოთხრობა „**მარი მასწავლებელი**“ პირველ ათეულში მოხვდა.

მოსწავლეთა თვითმმართველობის აქტიურობით ჩამოყალიბდა და ასევე აქტიურად, შემოქმედებით მუშაობს ჟურნალისტიკის, გამოყენებითი ხელოვნების, ინტელექტუალების, სპორტული კლუბები და კულტ-მასობრივ ღონისძიებათა სექტორი. სკოლაში სპეციალური განათლების საჭიროების 35 ბავშვი სწავლობს. მათ უკვე ოთხი სპეცპედაგოგი და ფსიქოლოგი ემსახურება. სექტემბერშივე შემუშავდა და დამტკიცდა მათთან სამუშაო ინდივიდუალური გეგმა. ასეთ ბავშვებთან მუშაობაში სკოლის გამოცდილების გასაზიარებლად საქართველოს სხვადასხვა კუთხიდან ჩამოდიან პედაგოგები.

სკოლამ ეს სასწავლო წელიც ჩვეული შემართებით დაიწყო. პედაგოგებმა კარგად უწყიან ეროვნული სასწავლო გეგმისა, მოთხოვნები და სასწავლო-აღმზრდელი პროცესს მის შესატყვისად წარმართავენ.

მშობლებსაც გააცნეს გეგმის ძირითადი ასპექტები, სკოლის შინაგანანესი, მოსწავლეთა შეფასების სისტემა... დამრიგებლები მშობლებს სისტემატურად აცნობენ შვილების სწავლის ხარისხსა და დისციპლინას.


800 ყმანვილზე გათვლილ სკოლაში 1145 მოსწავლე ჰყავთ. ბოლო წლებში 5 პირველი კლასი ჰყავთ, რაც სკოლის პოპულარობის დასტურია.

დირექციას, 66-ე პედაგოგს, რომელთაგან – ორი ნამყვანი, 26 კი – უფროსი მასწავლებელია, გასიგრძეგანებული აქვთ დაკისრებული დიდი მისია – სამშობლოსათვის გონებრივად და ფიზიკურად ჯანსაღი, ჰარმონიულად განვითარებული თაობების აღზრდა და თავდაუზოგავად იღვნიან ამ მიზნის მისაღწევად.

მარიამ ხატიაშვილი

მიღწეულს არ დაჯერდებიან

ერთადერთი მენტორი დირექტორი და მისი წარმატებული სკოლა



რატომღაც ვერადებით ხოლმე ამა თუ იმ პიროვნებაზე წერას. ამის თავი და თავი მიზეზი ალბათ ისაა, რომ წლების მანძილზე იკინებოდა, ითრუნებოდა ინდივიდუალობა; ცრუ, მოჩვენებითი თავმდაბლობა იყო გამგებელი და ამ საფარვეტ კრახტინდებოდა და კვარახტინდებოდა ბნელი საქმეები.

არადა, დაიმსახურა ადამიანმა? თავის ასპარეზზე გამორჩეულად იღვანა? სამშობლოს აღმშენებლობას შემატა აგური? გამოარჩიე, დააფასე.

ასეთი პიროვნებები მით უფრო წარმოსაჩენია განათლების სისტემაში. სწორედ ეს სისტემა გახლავთ ჩვენი ანწყოსა და მომავლის მესაძირკვე. ამიტომ უნდა მოვეფეროთ, ობიექტურად აღვნიშნოთ ამ დარგის თითოეული თავდადებული მუშაკი.

ერთ ასეთ პიროვნებაზე მოგიხსნათ ამ მომცრო წერილში – თბილისის 89-ე საჯარო სკოლის დირექტორზე, ქალბატონ **მიმონა ტყეშელაშვილზე**.

უცნაურია განი განგებისანი: გატარებს, გატარებს და მინც იმ საქმეზე დაგაყენებს, რისთვისაც ხარ მოწოდებული. ხან ამისათვის ერთგვარი ბიძგია საჭირო. ქალბატონ მიმონასათვის ასეთი „ბიძგი“ დაოჯახება და დეღობა გახლდათ: მშობლობამ უფრო მძაფრად განაცდევინა განათლების დარგში დაგროვილი პრობლემები და მტკიცედ გადანყვიტა, ცოდნა და გამოცდილება მომავალი თაობების აღზრდისთვის მიეძღვნა.

ცოდნა და გამოცდილება კი, გაგხარიათ, ჰქონდა: 1997 წელს დაამთავრა დედაუნივერსიტეტის მექანიკა-მათემატიკის ფაკულტეტი. შემდეგ – მაგისტრატურა და ასპირანტურა. დისერტაცია 2009 წელს დაიცვა. არის ალბათობის თეორიაზე პირველი სასკოლო დამხმარე სახელმძღვანელოს თანაავტორი. 2011 წლიდან უნივერსიტეტის ზუსტი და საბუნებისმეტყველო მეცნიერებათა ფაკულტეტის მათემატიკის დეპარტამენტის მიწვეული პროფესორია. 2001 წლიდან

მასწავლებელთა ტრენინგის სხვადასხვა პროექტში.

ამ მშრალი ჩამონათვალის მიღმა მეცნიერისა და მკვლევარის თავდადებული შრომა დგას. შრომა და ნიჭი, რაც ასეთი მიღწევების საფუძველია.

გამორჩეულად სათქმელი: **ქალბატონი მიმონა საქართველოში ერთადერთი მენტორი დირექტორია.** მენტორობის მისანიჭებლად მთელი 5-წლიანი პროექტპროგრამების, აქტივობების დაძლევაა საჭირო. **ქალბატონმა მიმონამ კი ეს 2 წელიწადში შეძლო.** მეტი შრომა და ნიჭი ძნელი წარმოსადგენია. ისიც დაფურთოთ, რომ საქართველოში სულ 19 მენტორია.

89-ე სკოლას 2015 წლიდან უდგას სათავეში. მისი კრედო კოლეგიალურობაა. პატივს მიაგებს, ყოველმხრივ უწყობს ხელს პედაგოგებს ნაყოფიერ, შემოქმედებით მუშაობაში. ერთობლივად იგეგმება სხვადასხვა აქტივობა; იმართება სამუშაო შეხვედრები საჭირო თემებზე; კვლევები პედაგოგიკის საკითხებზე, სკოლის საჭიროებებზე. კიდევ ექვსმა მასწავლებელმა აიმაღლა სტატუსი:



2 – ნამყვანი, 4 – უფროსი მასწავლებელი გახდა.

ნამყვანნი: **მაია ადეიშვილი** (ქართული ენა და ლიტერატურა); **ნანა სოლოლაშვილი** (ისტორია); უფროსნი: **თამარ ფიროსმანაშვილი**, **ნანა ივანაური** (მათემატიკა), **ელზა ნინოშვილი** (ქიმია), **ასმათ მოდებაძე** (დანყებითი). დირექტორის რწმუნებით, გაისად გაცილებით მეტი პედაგოგი აიმაღლებს სტატუსს. ამის თქმის საფუძველს კი მას კოლექტივთან ერთად ყოველდღიურად წარმართული განუხრელი მიზანმიმართული, შემოქმედებითი შრომა აძლევს, რისი თვალსაჩინო შედეგიც წარმატებული ეროვნული

გამოცდები და შეგირდთა სიუხვეა: შარშან 3 პარალელური პირველი კლასი ჰყავდათ; წლეულს – ექვსია. 700 მოსწავლეზე გათვლილ სკოლაში 960 აღსაზრდელი ჰყავთ, რაც სკოლის პოპულარობის უტყუარი დასტურია.

აღზრდის მთლიანი ჯაჭვია: ოჯახი – ბაგა-ბაღი – სკოლა. ამიტომ მშობლებთან ურთიერთობა, გამჭორვალობა 89-ე სკოლის ერთ-ერთი პრიორიტეტია. ისინი აქტიურად არიან ჩართულნი სკოლის ცხოვრებაში. მეტიც – შვილებთან ერთად მონაწილეობენ მრავალ ღონისძიებაში, რაც უფრო აახლოებს მშობლებს შვილებთან, საერთო ინტერესებს უჩენს მათ. ტრაფარეტული კრებები სკოლისთვის უტყვია. მშობლებთან ერთად მსჯელობენ სხვადასხვა აქტიუალურ საკითხზე, მათი შვილების ყოფაქცევაზე. ეძიებენ და ჰპოვებენ კონკრეტული სირთულეების გადაჭრის კონკრეტულსავე გზებსა და საშუალებებს.

მცირე წერილში, ცხადია, შეუძლებელია სკოლის მუშაობის სრულად წარმოჩენა, მაგრამ ნათქვამიც საკმარისია, რომ ვირწმუნოთ: 89-ე საჯარო სკოლას ღირსეული დირექტორი, ღირსეული პედაგოგები ჰყავს და ისინი მიღწეულით არ დაკმაყოფილდებიან.

აგერ, მათი პროფესიონალური დღესასწაული აღინიშნა – მასწავლებელთა დღე. კაცმა რომ თქვას, ყოველი დღე მასწავლებლისა უნდა იყოს – ყოველდღიურად ვესათუთებოდეთ, ვაფასებდეთ მათს შრომას. ჩვენი რედაქციაც ულოცავს 89-ე სკოლის მთელ კოლექტივს ამ დღეს.

კოტე სარალიძე



118-ე საჯარო მოწონება

კარგი განყოფილება და მაღალი შედეგები



განსაზღვრული მიმართულებით მოსწავლეთა ძალები რომ განვითარდეს ეროვნული სასწავლო გეგმა ითვალისწინებს

აგჭალაში, რომელიც 1964 წელს აშენდა და ამავე დროს, ყველაზე დიდი კონტინგენტით - 1200 მოსწავლე. დირექტორი გიული შენგელია სერთიფიცირებული ქიმიკოსია, 28 წელია ამ სკოლაში ეწევა პედაგოგიურ საქმიანობას, 2014 წლიდან კი სამეურვეო საბჭოს არჩეული დირექტორია.

ყოველდღიური შემოქმედებითი შრომის შედეგი სახეზეა, სკოლას ჰყავს ნამყვანი - **თამარ თაბუაშვილი, პაპუნა კაციტაძე** და უფროსი პედაგოგები: **ლალი აბუაშვილი, თამარ ბაშარული, ნანა ბუტიკაშვილი, ნატო გა-**

ეიძე, სოფიო პაპკიაური, მაია მოდრეკილაძე, თამარ მურველაშვილი, ნუნუ მჭედლიშვილი, ლელა ტაბატაძე, მაკა გვრიტიშვილი, ქეთევან გოგინაშვილი, ლერა დავითიძე, ეკატერინე დორეული, ნაირა ვერძაძე, ნინო სუხიშვილი, მაიკო ჩქარეული, თამილა ცქიფურიშვილი.

სკოლაში ფუნქციონირებს საგნობრივი კათედრები, სადაც განერილია სამუშაო გეგმა და ახორციელებენ პროექტებს: ქართული ენისა და ლიტერატურის (ხელმძღვანელი **თამარ თაბუაშვილი**), მათემატიკის (**თამარ მხეიძე**), საზოგადოებრივი მეცნიერებების (**ლელა ხიტალიშვილი**), საბუნებისმეტყველო (მაია



ლი, თამარ ღანიშვილი, ლუკა კირთაძე, მარიამ საბაძე; სკოლას 3 ოქროს მედალოსანი ჰყავდა - **ქეთევან ღანიშვილი, თამარ ივანიშვილი** და **სალომე ხვედელიძე;** ქიმიის პედაგოგ **ეთერ**

ცირა ჯღარკავა. სკოლაში ყოველ ზაფხულს ტარდება სარემონტო სამუშაოები, რომელიც ამჟამადც მიმდინარეობს. მომავალი სასწავლო წლისთვის კი პირველ რიგში



პრინციპებს, რომლებსაც სწავლა-სწავლების პროცესი უნდა დაეყრდნოს. ცოდნის ეტაპობრივ კონსტრუირებაზე, ურთ-

დელიანი, მარინე ქემოკლიძე, ნათელა ქეშელაშვილი, ქეთევან ჯავახია, ნინო ბერიტაშვილი, გიული ძირტკბილაშვილი, სათუნა



მოდრეკილაძე), უცხო ენების (მაკა გუნცაძე), დაწყებითი (ირმა აბულაშვილი), სპორტისა და ესთეტიკის (სათუნა ცხვედაძე).

ყველა გამონევისადმი მზაობა აქვთ ფასილიტატორებს: **ლონდა ლავრინენკო** (დაწყებითი კლასები), **მაია ვერძეულს** (საზოგადოებრივი მეცნიერებები), **ნანა ბუტიკაშვილს** (ქართუ-



გულადის 22 მეთორმეტეკლასელიდან კი 21 სტუდენტი გახდა.

მოსწავლეები აქტიურად მონაწილეობენ „**ვეერესტის**“, „**კინგისა**“ და სხვა პროგრამებში. შექმნილია **სპორტული კლუბი** (ხელმძღვანელი - სპორტის პედაგოგი **ფატი ნიკლაური**), სა-

ბიბლიოთეკის (ბიბლიოთეკარი **ლალი ამირეჯიბი**) განახლება-გარემონტება იგეგმება. გულდასაწყვეტია, რომ სკოლას არა აქვს სააქტო დარბაზი, რომლის მიშენების პერსპექტივაც, ჯერჯერობით, არ განიხილება. იჯარით გაცემულ ფართზე, ცეკვის დარბაზში, ფუნქციონირებს ხალხური სიმღერის წრე (**სათუნა ცხვედაძე**) და ცეკვის წრე (ქორეოგრაფები **დალი ქოჩიშვილი** და **გია თამაზაშვილი**).



იერთდაკავშირებასა და ორგანიზებაზე, საგანმანათლებლო პროცესის სწორ შედეგამდე წარმართვასა თუ სხვა სავალდებულო მოთხოვნების შესრულებაზე თავდაუზოგავად შრომობს თბილისის 118-ე საჯარო სკოლის პედაგოგიური კოლექტივი. ეს არის ყველაზე ძველი სკოლა

ბერძენიშვილი, თეა გელაშვილი, სათუნა გოგელიძე, ლია ჭყაშვილი, ეთერ გულაძე, გიული შენგელია, ნატალია ათენაშვილი-სოფრომაძე, ნათია ბუჯიაშვილი, მაკა გუნცაძე, მაია ვერძეული, ლალი პავლიაშვილი, ლელა ხიტალიშვილი, თამილა კირთაძე, ლონდა ლავრინენკო, თამარ მ-



ლი, სათუნა გოგელიძეს (უცხო ენა), **სოფიო პაპკიაურს** (მათემატიკა).

სკოლის მართვისა და წარმატებისათვის მუხლჩაუხრელად შრომობს მთელი კოლექტივი. მკაცრი, მომთხოვნი და სამართლიანი - ასე ახასიათებს ქალბატონი გიული დირექტორის მოადგილე **გიული ძირტკბილაშვილს**. კომპიუტერულ ბაზებს აკონტროლებს და ტექნიკური დახმარებას ახორციელებს ისტმენეჯერი **თამილა კირთაძე**. დაწყებითი კლასების კოორდინატორია თავისი საქმის საუკეთესო სპეციალისტი **ელისო ღამბაშიძე**.

გასული სასწავლო წელი წარმატებით დაასრულეს. ამის დასტური 8 წარჩინებული მეცხრეკლასელია, რომლებიც „**ჩემი პირველი კომპიუტერის**“ ბენეფიციარები არიან: **თეკლა დალაქიშვილი, საბა ბეკურაშვილი, ქეთი აბესაძე, თორნიკე თამარაშვილი, გიორგი ბურდუ-**

დაც სხვადასხვა კლასის მოსწავლეებმა ჩაატარეს „**თავისუფალი გაკვეთილები**“ ჩვენი ოლიმპი-



ური ჩემპიონების შესახებ, ჰქონდათ შეხვედრები, წარმოადგინეს სლაიდ-შოუები.

სისტემატურად მუშაობენ 15 სსსმ მოსწავლესთან და მაღალი პასუხისმგებლობით ეკიდებიან თავიანთ საქმეს ფსიქოლოგი **ქეთი მამუჩაშვილი, სპეც.პედაგოგები - ია ორჯონიკიძე** და

- აკადემიური შედეგის ამაღლება და დისციპლინის კიდევ უფრო გაუმჯობესება“.

ნათია ბურბენიძე



მასამოცა მწვერვალადა



დიდებული პედაგოგი, სიტყვა-მართალი და ტკბილმოუბარია იუბილარი **ლუიზა კერესელიძე** – სკოლა „ივერიონის“ დაწყებითი კლასების მასწავლებელი. მის სულ ქართული ბუნების ორი ნიშან-თვისება ერკინება ურთიერთს – რომანტიკული შემართება და უსაზღვრო სიყვარული პოეზიისა.

უკან დარჩა ექვსი ათეული წელი – ემოციური ცხოვრებისა.

მესამოცე მწვერვალი... სწრაფვა ზევით-ზევით, რამეთუ გულსთქმა მისი ეძიებს „ზენაართ სამყოფს“.

ქალბატონ ლუიზას მამას **გიორგი თელიას** (ძვევის მამათა მონასტრის წინამძღვრის) მადლიანი კურთხევაც როდი დააკლო განგების ძალამ.

ლუიზას სიახლოვეს მოსაწყენ, გულგრილ ურთიერთობას ვერ იგრძნობთ.

და ასე იძერწებოდა საოცარი რომანტიკით შემკული ქალთა საღამო. სიტყვა – სიტყვას ერკინებოდა, ლექსი – ლექსს.

„დავბადებულვარ, რომ ვიყო მონა“ და სამეგობროს „მედგას ულელი“, – გვესმის იუბილარის წრფელი სიტყვები. აი, რას მოგვითხრობენ საღამოს „ექსპრომტი ფურცლები“. სიტყვა – სიტყვას ენაცვლება, შთაბეჭდილება თავისას ღალადებს...

– მადლობა ღმერთს საღამოს ჩუქებისათვის, „რასაცა გასცემ – შენია“ – **ირინე ბერიშვილი**.

– ჩემს ქვეყანაში მინდა ბევრი გაღიმებული ადამიანი ვნახო, – **მარიამ კუბლაშვილი**.

– მადლობა ამ ღამეში, ისტორიული დღის ჩუქებისათვის – **ნუნუ ჭილაძე**.

– „როგორ გაირბინეს წლებ-

მა...“ 60 წლის იუბილე, ენაწყლიანი თამადა, ღამაში საღამოა... „მიყვარხართ ძლიერ, ძლიერ“ – **ირინე ხუჭუა**.

– თავყვანს ვცემ ქალს, მეგობარს, გულშემატკივარს, დარდისა თუ სიხარულის გამზიარებელს, დამრიგებელს, გულწრფელსა და პირდაპირ ადამიანს... მადლობა უფალს, რომ შემახვედრა განსაცდელის უამს ქალბატონი ლუიზა! – **ნანა ჭავჭავაძე**.

ჩვენი მეგობრობის 35-ე წელიც დამდგარა... ერთად მოვიდევართ წლებია, ვარ ბედნიერი. – **ნაზი გაბაიძე**.

– „ჭირი და ლხინი განუყ-



ვარ დღევანდელი დღისა. დღევანდელ დღეს სიყვარულის დღეს დავარქმევდი. მადლობა ჩემი შვილის მასწავლებელ **თინა ჩხეიძეს** სიხარულის მონიჭებისათვის.

რუსუდან მამაცაშვილი-კალანდაძის (ქიმიკოსი): სკოლა „ივერიონში“ მოვხვდი აღმზრდელად. მადლობა ქალბატონ ლუიზას ამ ღამეში შეკრებისა და სიამოვნებისათვის.

ქეთი და ხათუნა სულთანოვილები: ისტორიული დღეა. „ამ დიდ სიხარულს ვერ იტევს გული!“

თამარ გიგაშვილი: მადლობა უფალს, საქართველოში რომ დავიბადე! „გვიყვარდეს ერთმანეთი მეტად, უფრო მეტად!“

ჩიტო კერესელიძე: – ბედნიერება და სიყვარული, უფლის წყალობა და მადლი არ მოკლებოდეს ჩემს დაიკო ლუიზას!

ღარბაზში სიმშვიდემ დაივანა...

ქალბატონ ლუიზაზე საუბარი გვინდა დავასრულოთ მისი სიტყვების ფონზე...

...მე თქვენს წინაშე ზღვასავით ველავ...

უკეთ მადლიერების გამოხატვა ალბათ შეუძლებელიც იყო.

P. S. ექსპრომტ მილოცვებს იუბილისადმი სტილი არ შევუცვალე გარკვეული მოსაზრებით.

და ასე... იდგა უამი მესამოცე მწვერვალიდან უფრო ზეაღსვლისა.

თინა ჩხეიძე

სკოლა „ივერიონის“ მასწავლებელი



ოფელია“, – დროა, „ვაჩუქეთ ერთმანეთს გულები!“ – **ნაზი დოლიძე**.

– უღრმესი მადლობა ასეთი სასიამოვნო და ღამაში საღამოსათვის, საყვარელი ადამიანების შეკრებისათვის, მადლობა თამადას, **ღამარა ჯიშკარიანი**.

ნაზი აბაშიძე და ლალი დვალი: აღფრთოვანებას ვერ ვფარავთ ქართული სუფრის მადლითა და საიუბილეო სიხარულით. მადლობა რჩეულობისათვის!

ეკა მაჭავარიანი: ბედნიერი



მასახარელ შედეგს გისურვებთ!

ინტერნეტ ტელევიზია ლაბორატორია **ნიკო კეცხოველის პრემია** ყველაზე მასშტაბური სასკოლო, გარემოსდაცვითი კონკურსია. იგი 2014 წელს, „ავსტრიის თანამშრომლობა განვითარებისათვის“ (ADC) ფინანსური მხარდაჭერით დაარსდა. 4 წლის განმავლობაში მისი პარტნიორი იყო ასზე მეტი სახელმწიფო, კერძო, სამეცნიერო და

საზოგადოებრივი ორგანიზაცია. აღნიშნულ გარემოსდაცვით პრემიაში მონაწილეობას ღებულობს საქართველოს ასზე მეტი საჯარო და კერძო სკოლა, ბავშვები გარემოსდაცვითი ღონისძიებების წარმართვაში დაგეგმვასა და განხორციელებაში ეჯიბრებიან ერთმანეთს.

ნიკო კეცხოველის პრემია გრძელდება დაახლოებით ერთი წლის განმავლობაში, აღნიშ-

ნულ პროექტში მონაწილეობას ღებულობს სსიპ.ქალაქ თბილისის 31-ე საჯარო სკოლის ეკოკლუბი „**დრიადები**“. ამ კლუბმა ამ ეტაპისთვის ასზე მეტი მნიშვნელოვანი პროექტი განახორციელა, მაგალითად როგორცაა **კავკასიური სოჭის პოპულაცია**, ნიკო კეცხოველის სკვერის გაშენება და სხვა მრავალი. გუნდი აპირებს ნიკო კეცხოველის პრემიის ფარგლებში საგრანტო კონკურსებში მონაწილეობას და მიზნად აქვს დასახული საგრანტო კონკურსებში წარმატების მოპოვება.

ამ ეტაპისთვის გუნდი „**ორბელიანი**“ მონაწილეობს საქართველოს საგრანტო კონკურსში რომელიც მცირე გრანტების გაცემას და აქტივობების დაფინანსებას ითვალისწინებს. გუნდმა „**ორბელიანი**“ საქართველოს კონკურსში გააგზავნა შვიდი საგრანტო წინადადება და ელოდება შედეგებს. ამ ეტაპისთვის გუნდს ჰყავს ორი ძირითადი პარტნიორი, გარემოსდაცვითი

ინფორმაციის და განათლების ცენტრი და საქართველოს მწვერვალთა მოძრაობა დედამიწის მეგობრები. მათ აღნიშნულ ორგანიზაციებთან ჯამში ოცი ფართომასშტაბიანი პროექტი ჩაინიშნეს, რომლის განხორციელებას პროექტის დასრულებამდე გეგმავენ. აი, ფართომასშტაბიანი პროექტებში ვგულისხმობთ დასუფთავების აქციებს, მენეჯერსაში ზონების გამწვანებას, საინფორმაციო ტიპის შეხვედრებს და სხვა მრავალს. გუნდი შედგება ხუთი წევრისაგან, რომლებიც დაულაღვად შრომობენ სასურველი შედეგის მისაღწევად. გუნდის წევრები არიან: **მარიამ დარისპანაშვილი, ანა ქუბრაშვილი, ანი ჯობაძე და დავით ხე-**



„დრიადები“

ლაძე, გუნდის ხელმძღვანელია: **კალენიკე ურიდია**. გუნდი გეგმავს და მიზნად ისახავს ფართომასშტაბიანი და სასახლო პროექტის მოგებას, როგორცაა ნიკო კეცხოველის პრემია.

ირმა მეზონია



ამ სიხარულს ნებავ რა სჯობს?! პროფესიული დღე 63-ე სკოლაში



მასწავლებელთა დღეს მსოფლიოს ასზე მეტ ქვეყანაში აღნიშნავენ. მათ რიცხვშია საქართველოც.

აღმაშენებლის გამზირს მივუყვებით. პასტერის ქუჩის კუთხეში უფროსკლასელები შეკრებილან, ხელში ვარდებითა და მისალოცი ბარათებით. მათთან შევეჩერდი, გამოველაპარაკე. 63-ე საჯარო სკოლის მოსწავლეები აღმოჩნდნენ. მითხრეს, ძალიან გვინდა, ჩვენს პედაგოგებს დღევანდელი დღე მივულოცოთო. ახალგაზრდები თვლიან, რომ ამით ეძლევათ საშუალება, მადლობა უთხრან იმ ადამიანებს, რომლებიც გამოუდგებიან იწინეთ მათ მიმართ სიბოლსა და სიყვარულს. მომენონა მათი სიტყვები, თან გავეყვი. პირველი გაკვეთილის დაწყებამდე ჯერ ადრეა, ამიტომ სკოლაც შემოვიარე. ცენტრალური შესასვლელიდან (ეს **დ.უზნაძის 109** ნომერია) ყველაფერი კრიალეებს, მზის

სხივები აღმაცერად კვეთენ ახლად გარემონტებულ დერეფნებსა და საკლასო ოთახებს... რა ლამაზი კუთხე მოუწყვიათ! სხვადასხვა ფერის ყვავილები თავს იწონებენ. გარედან შენობა დიდი არ ჩანს, შიგნიდან კი ორი კორპუსია. ცალკე სართულზე დაწყებითი კლასებია განთავსებული... დავიხსენოდი, მაგრამ მეგზურებად ჩემი ნაცნობები მყავს (**სალომე ბუაძე, მიშიკო ფხალაძე, ქრისტინე ახოზაძე, ლიზი უზნაძე, ბარბარე ჯანჯალაშვილი, ანანო გაგნიძე, საბა სვანაძე, ნინი აზიკური, გიორგი ბოლოთაშვილი, ნიკა ისოიანი**...). მეოთხე სართულზე ავდივართ. განკრიალებული საკლასო ოთახი, კოხტად დაწყობილი მაგიდები და სკამები, მორიგე დაფას წმენდს. ბავშვებმა მისალოცი ბარათების შევსება დაიწყეს. კლასის დამრიგებლისთვის განსხვავებული შეურჩევიათ... განსაკუთრებულია, კამათობენ კიდევ, ყველას უნდა, საკუთარი ხელით გააკეთოს ჩანანერი, ჩანართმა ფურცელმა კი ყველა ვერ დაიტია: **"JUST FOR YOU!"** – აწერია გარედან ბარათს, შიგნი კი: „ყველაზე დიდი ბედნიერებაა თქვენზე იმ დამრიგებლის ყოლა. მიყვარხართ!“, **"მანანა მას, გილოცავთ, უნდა აღვნიშნო, რომ ძალიან მიყვარხართ!" მანანა ოზაშვილი** ფილოლოგია, ამით მიანიშნებს, რა კარგად სწავლობენ ქართულ ენასა და ლიტერატურას). ძალზე შთაბეჭდილია სკოლის დირექტორისადმი (ქალბატონი **ნანა მონიავა**) მომზადებული ტექსტიც: „გილოცავთ პროფესიულ დღესასწაულს! გვინდა იცოდეთ,

რომ გვიყვარხართ და გაფასებთ. გვიხარია, რომ თქვენთან ერთად მოგვინებს ორი ჩვენთვის მეტად მნიშვნელოვანი წლის გატარება სკოლაში, რომელშიც სწავლა ძალიან გვიხარია!”

საკლასო ოთახის ერთ-ერთ კედელზე უზარმაზარი ფოტოა, საიდანაც ბავშვები მხიარული სახეებით შემომქერნიან. ზოგი ზის, ზოგი დგას, ყველას კი ხელში გადაშლილი წიგნი უკავია: „ქართული ენა და ლიტერატურა-10“. ეს კლასის დამრიგებლისადმი მიძღვნილი ადრინდელი საჩუქარია. მართალია, ზოგს წიგნი გადმობრუნებული უჭირავს, ზოგიც მხოლოდ ცალი თვალთი კითხულობს, მაგრამ ყველანი ძალიან



კარგად ცეკვავს, **საბა დიასამიძე** ძალიან ბევრ კითხვას სვამს... **ნინუ კერესელიძესთან** სახლში

მოვდივარ იმ გრძნობით, რომ ქალაქ თბილისის 63-ე საჯარო სკოლაში ბავშვებს მოსვლა მართლაც უხარიათ, აქ ერთმანეთი უყვართ, პატივს სცემენ, სიურპრიზების გაკეთებაც კარგად გამოსდით... რას იზამთ?! ყველა მილოცვის თავისებურ ფორმას ირჩევს... მე კი მეტერთმეტეკლასელების მიერ შერჩეული ვარიანტი მომენონა. წარმოვიდგინე მასწავლებელთა გაღიმიებული სახეები და ჩემი პედაგოგები გამახსენდა. მეც მათთან ერთად გიხდით მადლობას ყველა მასწავლებელს (**თინიკოს, დავითს, ზაზას, ნატოს, ქეთევანს, გიორგის, ბადრის, ნანას, ნინოსა და მარინას, ლიას** და კიდევ ბევრ სხვას) სიყვარულისა და სიკეთისათვის, იმ მიძიმე შრომისათვის, რომელსაც ეწევიან და რომელსაც მომავალი თაობის აღზრდა ჰქვია.



საყვარლები არიან. მიყვებიან, როგორ ჩამოუგორდა ცრემლი სახეზე მანანა მასწავლებელს, როცა ეს ფოტო გააჩვენა. სასწავლო წელი სულ ახლახან დაიწყო, ბავშვებს კი უკვე მოუსწრიათ მთაწმინდის პანთეონის მონახულება. იქ ჩვენთვის ძვირფასი ადამიანების საფლავებზე თითო-თითო ვარდი დავანყვეთ, ლამაზი სიტყვებაც ვთქვით და უკან შთაბეჭდილებით აღსავსენი დავბრუნდით, მითხრეს.

ყოფნა კი ყველას უხარია, აქ ხშირად იკრიბებიან, დასვენების დღეებში და მის დედასთანაც მეგობრობენ...

მიხარია ამ ბავშვებთან ყოფნა, მაგრამ დრო აღარ ითმენს... გაკვეთილის დაწყებას წუთებია აკლია, ვემშვიდობები უფროსკლასელებს (**ანას, თენგიზს, ელმანს, მარიამს, ნუკის, დავითს**...) და კიბეზე სწრაფად ვეშვები. სასწავლო პროცესის მიმდინარეობისას სკოლაში უცხო პირი არ უნდა იმყოფებოდეს... მეორე გასასვლელიდან გავდივარ. სკოლის დათვალიერებას კი კვლავ ვაგრძელებ: აქ ბევრი წრე მუშობს, **ჰიპ-ჰოპი, ქართული ცეკვაო, ჭადრაკი, უცხოური ენები, ხატვა, გახანგრძლივებული დღის ჯგუფიც** ჰქონიათ... ერთი სიტყვით, ყველა პირობაა შექმნილი სწავლებისა და აღზრდისათვის... საკლასო ოთახები უკვე ბავშვებითაა სავსე. მანდატურები დერეფნებში მოძრაობენ... გახანგრძლივებული ვტოვებ სკოლას.

ანანო სამელია



ენციკლოპედიური ჟურნალი



გამოვიდა ჯუმბერ ლეჟავას სახელობის მეცნიერებათა საერთაშორისო აკადემიის საზოგადოებრივ-მხატვრული ჟურნალი „ათინათის“ ამა წლის მესამე ნომერი. აიღებ, ნაიკითხავ და არ

იცო, რა რას ამჯობინო – აზრი ფორმას თუ შინაარსი – მხატვრულ დონეს. გარდა პოლიტიკისა, იგი ცხოვრების ყველა სფეროს უმაღლეს ხარისხში აშუქებს. მეტად პოპულარულია, მაგრამ მაინც უნდა გაეუსვათ ხაზი მის ენციკლოპედიურ ხასიათს. მოკლე ანოტაციაში ყოველმხრივ ვერ მიმოვიხილავთ ნომერს – ყველა მეცნიერული სტატია თუ მხატვრული ნაწარმი უნდა შეაქვეყნოს, რომ ჩამოვთვალოთ, გაზეთის მთელი გვერდიც ვერ დაიტევს. ყველა მკითხველი იპოვის აქ სულიერ, შემეცნებით, ესთეტიკურ-მორალურ საზრდოს, დატკბება ხელოვნების ქმნილებებით, პოეტთა და პროზაიკოსთა ცინცხალი შემოქმედებით. მადლობა მთავარ-რედაქტორს, ცნობილ

ჟურნალისტს, ნატიფი გემოვნების პოეტ **გულნაზ ხარაიშვილს** და მასთან ერთად **„ათინათის“** მთელ შემოქმედებით შემადგენლობას. „ათინათი“ მეტად საჭიროა თქვენთვის, სიკეთეს მოგიტანთ, ცოდნას გაგიმდიდრებთ. ვის? ვის და ყველას: ბავშვებს, მოსწავლეს, სტუდენტს, მეცნიერს, ხელოვანს, მხატვრული სიტყვის ოსტატსაც კი. იკითხეთ „ათინათი“, გიყვარდეთ „ათინათი“ მეტად, სხვაზე მეტად!

P.S. მკითხველის მადლობა

რედაქტორთან ერთად დიდი მადლობა ჟურნალის პასუხისმგებელ მდივანს **რეზო ადამიას**, აკადემიის სწავლულ მდივანს, პროფ. **გიორგი ბუჭიტაშვილს**,

განყოფილებათა რედაქტორებს; რელიგიისა – მამა **ამირან ამირანაშვილს**, საერთაშორისო ურთიერთობათა – **ვანო შუშტაკაშვილს**, ალადინ **გარაბაგლის**, ისტორიისა – აკადემიკოს **როინ მეტრეველს**, მხატვრული და ხელოვნებისა. – **სერგი ლომაძეს, კახა ბაციკაძეს, გელა ლარიაშვილს, ნიკო ხერკელაძეს**, საბავშვოსი – **ლამარა გერგუდავას**, ეკონომიკისა – **ვალერი მოსიაშვილს**, რედაქციის წევრებს: **ბრუნო თირიბურგს** (საფრანგეთი). **იური მამედოვს** (აზერბაიჯანი). **ილია ჭავჭავაძის** ეროვნული ბიბლიოთეკის მთავარ სპეციალისტ **მარინე სხირტლაძეს**, პოეტ **ლამზირა შეყილაძეს**, კომპიუტერული მომსახურების სპეციალისტებს: **ნანა** და **თამარ სხირტლაძეებს**.

განცხადება

ჩვენი გაზეთის 26 მაისის ნომერში შეცდომით **მანანა ზაზიკაშვილის** ლექსი „დაგჭირდება ილეთი“ მიენერება პოეტ **ნაირა ნიჟარაძეს**. შეცდომისთვის რედაქცია ბოდიშს იხდის.

საბავშვო ბაღი – სოფლის მშენებელი

ბაიხარის ასურელებმა



ასურეთი ერთ-ერთი უმშვენიერესი, უძველესი ისტორიული სოფელია თეთრწყაროს რაიონში თავისი მომხიბლავი ბუნებით, სტუმართმოყვარე, შრომისმოყვარე მოსახლეობით. როგორ გაიხარეს



თინა აღდგომელაშვილი. თავი ასურეთის სკოლისა და დედაუნევერსიტეტის აღზრდილია. პედაგოგიური ფსიქოლოგიის ჩინებული სპეციალისტი, თავად ორი შვილის



მათ შარშან, როცა კეთილმოწყობილი ბაღი გაიხსნა ცეროდენებისათვის. მანამდე შეგუებულ შენობაში „წვალბდნენ“ პატარები.

სკოლის დაღმართს ოდნავ რომ ჩამოუყვებით, თვალწარმტაცია

აღმზრდელი დედა. უყვართ თანამშრომლებს იმიტომ, რომ თავადაც უყვარს ისინი, აფასებს მათ შრომას. ბავშვებსაც უყვართ, მშობლებსაც, მათ შორის ჰარმონიული თანამშრომლობა სუფევს. მშობლებთან



შენობა მზესავით შემოგანათებთ. კობტა ეზო გაჯერებულია საქანელით, სასრიალოთი, სხვა სათამაშოებით. შიგნით შეხვალთ და მოიხიბლებით. მყის მოგაგონდებათ შოთას სტრიქონები: „რა გაიმბოქება მისი, რა სიტყურფე, რა ნაზობა“...

– ჩვენი კოლექტივისა და მთელი სოფლის სახელით დიდი მადლობა ყველას, ვინც ეს საჩუქარი მოგვიმზადა, კერძოდ, **თეთრი წყაროს მუნიციპალიტეტს**, – ამბობს გამოცდილი, ერუდირებული ბავშვებზე შეყვარებული დირექტორი,

შესანიშნავად არის აწყობილი ურთიერთობა.

ვაგრძელებთ საუბარს დირექტორთან:

– სოფელ ასურეთს მრავალი წლის მანძილზე არ ჰქონდა საბავშვო ბაღი და ფუნქციონირება უნევედა ნაქირავებ სხვადასხვა სახლში.

2018 წლის 30მარტს საზეიმო ვითარებაში გაიხსნა ახალი საბავშვო ბაღი, რომელიც აღჭურვილია თანამედროვე ინფრასტრუქტურით და გათვლილია 70 აღსაზრდელზე, რისთვისაც მადლობას ვუხდით ჩვენს მუნიციპალიტეტს და თითოეულ იმ

აღამიანს, ვინც მხარში დაგვიდგა. ამჟამად ბაღში გვყავს 58 ბავშვი. ჩვენ ვემსახურებით, არამარტო ასურეთის, არამედ **ენავეთისა და შავსაყდრის** პატარებსაც.

ჩვენი ბაღიდან წელს სკოლაში წავიდა 16 მოსწავლე, ახლა კი სკოლისათვის ვამზადებთ 15 აღსაზრდელს, რომლებიც გადიან **სასკოლო მზაობის პროგრამას**.

გარდა სასკოლო ჯგუფისა, ჩვენ გვყავს კიდევ ორი 3-4 წლიანების და 4-5 წლიანების ჯგუფი.

ბაღში გვაქვს სამჯერადი კვება ნახემსებით და დაცულია სანიტარულ-ჰიგიენური ნორმები.

– გამოცდილი თანამშრომლები ერთგულად მიდგანან მხარში. კმაყოფილი ვარ მათი მუშაობით.

4-5 წლიანთა ჯგუფის ცეროდენებზე ბევრს ზრუნავენ გამოცდილი აღმზრდელი **თამარ აფციაური** და თანაშემწე **რუსუდან ლებანიძე**; 4-5 წლიანებში პატარებს დედობრივ მზრუნველობას არ აკლებენ **თამარ ჯიჯელავა** და **ეთერ ბაიდარაშვილი**, 3-4 წლიანებში – **ნანა ახალმოსულიშვილი** და **ნათია მეტრეველი**.

პატარებს გრძობას უფაქიზებს და ხელოვნებას აყვარებს მუსიკის პედაგოგი **ინგა მუმლაძე**. გამოცდილი ექთნის **ხათუნა გუგუშაშვილის** შიშით ბავშვებს ინფექცია ვერ ეკარება. კვება? უკეთესს ვერ ინატრებენ. დედის გაკეთებულ საქმეებს ურჩევნიათ პანიებს მზარეულ **ელისო იობაშვილის**, თანაშემწეების: **ირმა ბახტურიძისა** და **დებიუტანტ ელზა ციხელაშვილის** მომზადებული ყუათიანი, არომატული კერძები, აღმზრდელის თანაშემწე **გურანდა ჭელიძე** პასუხისმგებლობით ეკიდება დაკისრებულ მოვალეობას. კარგი მუშაობისთვის ქებას იმსახურებს დამლაგებელი **თამარ ჯაშიაშვილი**.


ენცობა საინტერესო ღონისძიებები, ზეიმები, მეცადინეობები თამაშის თანხლებით. სხვა რა ვთქვათ? ჯანსაღი ბუნება და სუფთა ჰაერი ხომ არის და არის.

ბედნიერია ბავშვობა თქვენი, ასურეთელი ცეროდენებო.

უფრო გაძლიერებას და გაფართოებას გისურვებთ!

ბორის მიშველაძე,
პედაგოგიკის დოქტორი

მორის ფოცხიშვილი



ჩემს მასწავლებლებს

კვლავ თქვენი დედა და მე ვიგონებ თქვენი სულივით წმინდა ყველა კახაბერს, ყველა დიდგორელს, ყველას, ვინც დღემდე გვზრდიდა. მწუხრში თქვენდარი შემწე ვინ ნახა, გულს გვიცისკროვნებთ მზისებრ, – მასწავლებლებო, მე თქვენ მიყვარხართ, მასწავლებლებო, გისმენთ! ვინ უნდა შეძლოს, რაც შენ შეძელი ასე საქვეყნოდ, ერთხმად, – უპირველესი მასწავლებელი, ცოტნე ბატონო, შენ ხარ! ერთმა აღზრდილმაც თუ გილალატა, ვიცი, სირცხვილით კრები, ჩვენი აღმზრდელი, ბავშვო პაატა, რამ გაგათეთრა ფრთები? არც რა ეშმა და არც რა განგება, სისხლო, ცეცხლივით მწყრალო, საქართველოსთვის თავის დადებას ჩვენ ისევ შენგან ვსწავლობთ. არც რა უღელი, არც რა გალია, არც რა ღრუბელი მრუმე, – რაც მისწავლია, მე მისწავლია თქვენი ცხოვრებით თურმე. მე უნდა გითხრათ ახლა მადლობა და თქვენ გადიდოთ თრთოლვით, – სინათლესავით შუბლზე გადნებათ ფექრად ქცეული თოვლი. ნეტა უთქვენოდ შეგვა ვინ ნახა, სულს გვიცისკროვნებთ მზისებრ, – მასწავლებლებო, მე თქვენ მიყვარხართ, მასწავლებლებო, გისმენთ!

ძევა. რომელიც ბავროთირაბა

ქებროსაქტებო!

„რუსთაველის პროსპექტზე სიარული ნუ მომიშალს ღმერთმა, დე, ვიყო მუდამ ასე მზიარული!“ – ინატრა პოეტმა ერთმა. ეს ახლა, მაშინ ლაღოს დრო იყო. დღეს სხვა ხალხია თავი, ზალიკო... არ კითხულობენ გრანელს, მაღარმეს აქ აკეთებენ რაღაც სხვა რამეს. კაცს მოუშვია თმები ძალიან, განა კაცია? უფრო ქალია. ჯგროდ მიმოდიან გოგო-ბიჭები, უჩანთ მუხლები, უჩანთ ჭიპები. არ მოგწონს ტურფა მარი თუ ანა? მაშ, გყვარებია მარიხუნა. ოჯახი არა! არ გსურს ნასტია, შენთან ახლოა პედერასტია. თქვენ, მომავალი თაობავ, ჩემო, კარგია დიდი ევროკავშირი, მაგრამ იმ დიდსა ევროკავშირსა გერჩიოთ ფოთი, ვაქირ – კვახჭირი! აღარ აბოლოთ მარიხუნა, აღარ გასინჯოთ ნარკო არცერთმა. რუსთაველის პროსპექტზე მარად სიარული ნუ მოგიშალთ მაღალმა ღმერთმა!

თქვენი სიკეთისმოსურნე
მოსე მწერალი

მთ. რედაქტორი
ბორის მიშველაძე

რედაქტორია

ზურაბ ქობალია (თავმჯდომარე) 599 343 727; ნათელა ქიმერიძე 595 584 572; ბორის მიშველაძე 555 596 050; ნათია გურგენიძე 593 422 258; ეკა მამუკაშვილი 557 208 504; მზია გოგოძე 593 208 048; ირმა მეზონია 591 320 705; კონსტანტინე გურგენიძე 597 765 810; თამარ ანდრიაძე (კომპიუტერული მომსახურება) 599 44 98 48;

ელ-ფოსტა: saxgani@gmail.com
ტელ: (032) 2 99 80 00
(032) 2 98 48 07; (032) 2 99 63 52

სახალხო განათლება+ N12 (4571)
10 ოქტომბერი / 2018 წელი
გაზეთი გამოდის 1928 წლიდან

